

書名 [唐詩品彙九十卷]拾遺十卷 嘉靖十六年序刊本  
 撰者 明 高棟 輯  
 卷 卷一  
 內容分類 集-總集-各代-唐  
 索書號 集部-總集-35  
 編號 D7841100

# 卷一

彩色首頁1

東洋文化研究所漢籍目錄 編號: D7841100

東洋文化研究所漢籍目錄所藏漢籍善本文影像資料庫 索書號: 集部-總集-35

漢籍善本文影像資料庫文本 [唐詩品彙九十卷]拾遺十卷 嘉靖十六年序刊本

版權所有: 東京大學 東洋文化研究所

使用上的注意事項

唐詩品彙卷之一

五言古詩

正始上

太宗皇帝 五首

新寧高棟編

幸武功慶善宮賦

上所生之宮也貞觀六年幸之宴從臣賞賜間

里同漢沛宛帝歡甚賦詩起居郎呂才  
 彼之管絃為功成慶善樂名九功之舞


丘唯舊跡豐邑乃前基  
 粵子承累聖縣弧亦在茲

際逢運改提劍鬱匡時  
 指麾八荒定懷柔萬國夷

盛入款駕海亦來思  
 單于陪武帳日逐衛文螭

竚袞朝四岳無為任百司  
 霜節明秋景輕冰結水湄

劉復



唐詩品彙拾遺卷之一

新寧高棟編

五言古詩上

太宗皇帝 五首

帝京篇 三首

落日雙闕昏迴輿九重暮長煙散初晷皎月澄輕素  
寒幌翫琴書開軒引雲霧斜漢耿層閣清風搖玉樹

二

鳴笳臨樂館眺聽歡芳節急管韻朱絃清歌凝白雪  
彩鳳肅來儀玄鶴紛成列去茲鄭衛聲雅音方可悅

三

飛蓋去芳園。蘭橈遊翠渚。萍間目彩亂。荷處香風舉。  
桂楫滿中川。絃歌振長嶼。豈獨汾河曲。方為歡宴所。

元日

高軒暖春色。邃閣媚朝光。彤庭飛彩旆。翠幌曜明璫。  
恭已臨四極。垂衣馭八荒。霜戟列丹陛。絲竹韻長廊。  
穆矣薰風茂。康哉帝道昌。繼文遵後軌。循古鑒前王。  
草秀故春色。梅艷昔年粧。巨川思欲濟。終以寄舟航。

重幸武功

代馬依朝吹。驚禽愁昔糞。况茲承睿德。懷舊感深衷。  
積善欣餘慶。暢武悅成功。垂衣天下治。端拱車書同。  
白水巡前迹。丹陵幸舊宮。列筵歡故老。高宴聚新豐。

駐蹕撫田畯。迴輿訪牧童。瑞氣縈丹闕。祥煙散碧空。

孤嶼含霜白。遙山帶日紅。於焉歡擊筑。聊以咏南風。

許敬宗 一首

奉和元日應制

天正開初節。日觀上重輪。百靈滋景祚。萬土慶惟新。  
待旦敷玄造。韜旒御紫宸。武帳臨光宅。文衛象鈞陳。  
廣廷揚九奏。大帛麗三辰。發生同化育。播物體陶鈞。  
霜空澄曉氣。霞景瑩芳春。德輝覃率土。相賀奉還淳。

虞世南 一首

從軍行

烽火發金微。連營出武威。孤城寒雲起。絕陣虜塵飛。

俠客吸龍劍惡少縵胡衣朝摩骨都壘夜解谷蠡圍  
蕭關遠無極蒲海廣難依沙磴離旌斷晴川候馬歸  
交河梁已畢燕山旆欲飛方知萬里相侯服有光輝

魏徵一首

奉和正日臨朝

百靈侍軒后萬國會塗山豈如今睿哲邁古獨光前  
聲教溢四海朝宗引百川鏘洋鳴玉珮灼爍耀金蟬  
淑景輝雕輦高旌揚翠烟庭實超王會廣樂盛鈞天  
既欣東日戶復咏南風篇願奉光華慶從斯萬億年

李百藥一首

登葉縣故城謁沈諸梁廟

愔鬱臨秋原登城望寒日烟霞共掩映林野俱蕭瑟  
楚塞鬱不窮吳山高漸出客行殊未已沐浴期終吉  
椒桂奠芳樽風雲下虛室館宇肅而靜神心康且逸  
伊我非真龍勿驚疲朽質

于志寧一首

冬日宴群公于宅賦得盃字

陋巷朱軒擁衡門緹騎來俱裁七步詠同傾三雅盃  
色動迎春柳花發犯寒梅賓筵未半醉驪歌不用催

令孤得茶一首

賦得趣字 同前題

高門聊命賞群英於此遇放曠山水情留連文酒趣

夕烟起林蘭霜枝殞庭樹落景雖已傾歸軒幸能駐  
杜正倫一首

賦得節字 同前題

李門余妄進徐榻君恒設清論暢玄言雅琴飛白雪  
寒雲暖落景朔風淒暮節方欣授轄情且駐當歸別

陳子良一首

夏晚尋于政世置酒賦韻

聊從嘉遁所酌醴共抽簪以茲山水地留連風月心  
長榆落照盡高柳暮蟬吟一及桃源路別後難追尋

任希古一首

和七月七日臨昆明池

秋風始搖落秋水正澄鮮飛駝牽牛渚激賞鏤鯨川  
岸珠淪曉魄池灰歛曙煙泛查分瀉漢儀星別構天  
雲光波處動日影浪中懸驚鴻結蒲弋遊鯉入荏筌  
萍葉疑江上菱花似鏡前長林代輕幄細草即芳筵  
文華開翠斂筆海控清漣不挹蘭樽聖空仰桂舟仙

劉孝孫一首

早發成臯望河

清晨發巖邑車馬走輾轉迴瞰黃河上愴怳屢飛魂  
鴻沉導積石驚浪下龍門仙槎不辨處沈壁想猶存  
遠近洲渚出颯沓鳧鴈喧懷古空延佇歎逝將何言

王易從一首

臨高臺

漢主事祁連良人在高關空臺寂已暮愁坐變容髮  
沉艷春幌風徘徊秋戶月可憐軍書斷空使流芳歇

盧照隣 三首

赤谷安禪師塔

獨坐巖之曲悠然無俗紛酌酒呈丹桂思詩贈白雲  
烟霞朝晚聚猿鳥歲時聞水華競秋色山翠含夕曛  
高談十二部細覈五千文如如數冥昧生生理氤氳  
古人有糟粕輪扁情未分且當事芝朮從吾所好云

贈益府裴錄事

忽忽歲云暮相望限風煙長歌欲對酒危坐遂停絃

變霜露對酒懷朋故朝看桂蟾晚夜聞鴻鴈度

鴻度何時還桂晚不同攀浮雲映丹壑明月滿青山  
青山雲路深丹壑月華臨耿耿離憂積空令星髮侵

贈益府群官

一鳥自北燕飛來向西蜀單棲劔門上獨舞岷山足  
昂藏多古貌哀怨有新曲羣鳳從之遊問之何所欲  
答言寒鄉子飄飄萬餘里不息惡木枝不飲盜泉水  
常思稻梁遇願棲梧桐樹智者不我邀愚夫余不顧  
所以成獨坐耿耿歲云暮日夕苦風霜思歸赴洛陽  
羽翻毛衣短關山道路長明月流客思白雲迷故鄉  
誰能借風便一舉凌蒼蒼

劉庭芝 一首

巫山懷古

巫山幽陰地神女艷陽年襄王伺容色落日望悠然  
歸來高堂夜金釭焰青烟頽想卧瑶席夢魂何翩翩  
搖落殊未已榮華倏徂遷愁思瀟湘浦悲涼雲夢田  
猿啼秋風夜鴈飛明月天已歌不可聽聽此益潺湲

沈佺期 二首

辛丑歲十月上幸長安時扈從出西嶽作

西鎮何穹崇壯哉信靈造諸嶺皆峻秀中峯特美好  
傍見巨掌存勢如拓東倒頗聞首陽去聞折此河道  
磅礴壓洪源巍峩壯清昊雲泉紛亂瀑天磴屹宏抱

子先呼其巔宮女世不老下有府君廟歷載傳酒掃  
星明應天遊十月成豐鎬微末忝閑從兼得事蘋藻  
宿心愛此山意欲拾靈草陰壑已冰閉雲霄絕探討  
分月期來過迴策思方浩

同工部李侍郎送司馬白雲歸天台

紫微降天僊丹地投雲藻上言華頂事中間長生道  
華頂居最高大壑朝陽早長生術何妙童顏後天老  
清晨朝鳳京夜靜思鴻宝憑崖飲蕙氣過澗摘靈草  
人非冢已荒海變田應燥昔常遊北郡三霜弄溟島  
緒言霞上開機事塵外掃頃來拋世務清曠未云保  
崎嶇待漏恩怵惕司言造軒皇重齊拜漢武愛祈禱

順風懷崆峒承露在豐鎬冷然委輕馭復得快幽抱  
關下留伯陽儲間登四皓昔有參同訣何時一探討

宋之問 二首

洞庭湖

地盡天水合朝及洞庭湖初日當中涌莫辨東西隅  
晶耀自何在澄熒心欲無靈光晏海若游氣耿天吳  
張樂軒皇至征苗夏禹徂楚臣悲落葉堯女泣蒼梧  
野積九江潤山通五嶽圖風恬魚自躍雲夕鴈相呼  
獨此臨泛漾浩將人代殊永言洗氛濁卒歲為清娛  
要使功成退徒勞越大夫

景龍四年春祠海

肅事祠春溟宵齋洗蒙慮雞鳴見日出鷺下觀溽鷺  
地闊八荒近天迴百川澍筵端接空曲目外唯雰霧  
暖氣物象來周遊晦明互致腥匪玄亨裡滌期靈煦  
的的波際禽沄沄島間樹安期今何在方丈幾尋路  
僊事與世隔冥搜徒已屢四明北群山遺老莫辨處  
撫中良自慨弱齡忝恩遇三入文史林兩拜神仙署  
雖嘆出關遠始知臨海趣嘗來空自多理盼孰能喻  
留楫竟何待徙倚忽云暮

陳子昂

贈趙貞固 二首

回中烽火入塞上追兵起此時邊朔寒登隴思君子



東顧望漢京南山雲霧裏

赤螭媚其彩婉姿蒼梧泉昔者琅瑯子躬耕亦愷然

美人山豈遐曠之子乃前賢良辰在何許白日屢頽遷

道心固微密神用無留連舒可彌宇宙攬之不盈拳

蓬茅久蕪沒金石徒精堅良寶委短褐閑琴獨婢娟

喬知之 一首

擬古贈陳子昂

惇惇孤形影悄悄獨遊心以此從王事常與子同衾

別離三河間征戰二庭深胡天夜雨霜胡鴈晨南翔

節物感離別同衾還故鄉南歸日將遠北方尚蓬飄

孟秋七月時相送出外郊海風吹涼木邊聲暗梢梢

勤役千萬里將臨五十年心事為誰道抽琴歌坐筵

一彈再三歎賓御涕瀉瀉送君竟此曲從茲長絕絃

李嶠 一首

奉教追赴九成宮途中口號

委質承仙翰祗命遄搖策事偶從梁遊人非背淮客

長驅歷川阜迴眺窮原澤鬱鬱柘繁油油禾黍積

雨餘林氣靜日下山光夕未攀藪桂岩猶倦飄蓬陌

行當奉麾蓋慰此勞行役

李義府 一首

招諭有懷贈同行人

遠遊冒艱阻深入勞存諭春去辭國門秋還在邊戍

軒車行未返節序催難駐陌上悲轉蓬園中想芳樹  
蜀山自紛糾岷水恒奔注臨泛多苦懷登攀寡歡趣  
永夕飛淫雨崇朝蒸毒霧不求緩嶺挑寧羨邛鄉筠  
白狼行欲靜驄馬何常驅唐韻區遇切集者未知此音或改為駐而不知前  
已押催難願接軺車旆塵聯翻東北鷲

徐彥伯一首

贈劉舍人古意

女牀閔靈鳥文章世所稀巢君碧梧樹舞若青瑣闌  
或言鳳池樂撫翼更西飛鳳池環禁林仙閣靄沈沈  
璇題激流日珠網綿清陰郁穆帝言重熒煌台座深  
風張丹祀翮月弄紫庭音衆綵結不散孤英鼓暮琴

清時向蘭渚姚姪故儔心

張說四首

父宴房主簿舍

歲晏閑雍空風急河渭冰薄遊羈物役微尚愜遠憑  
殊館月宿永閉宿雲思興伊人美脩夜朋酒惠來稱  
交談既清雅琴吹亦淒凝不逢君騫洞幽意長鬱蒸  
奉酬韋祭酒自湯還都經龍門北溪莊見

貽之什

聞君湯井至瀟洒戲郊林拂曙携清賞披雲親綠岑  
歡然遊覽意欵曲望歸心是日期佳客同山忽異尋  
桃花遷路轉楊柳問門深汎舟伊水漲繫馬香樹陰

繁絃弄水族嬌吹狎沙禽春滿汀色媚景斜嵐氣深  
懷仁殊未遠重德匪輕臨來藻敷幽思連詞報所欽

登九思臺是楚樊姬墓

楚國所以霸樊姬有力焉不懷沈尹祿誰進叔敖賢  
萬化茫無在孤墳獨歸然北分陽臺陌南識郢城阡  
漠漠渚宮樹蒼蒼雲夢田登高形勝出訪古今名傳  
自我來符守因君樹蕙荃詩書將變俗締續忽彌年  
志闌三折後愁值二毛前佇立帝京路搔心寄此篇

贈崔公

我聞西漢日四老南山幽長歌紫芝秀高卧白雲浮  
朝市光塵絕榛蕪年貌秋一朝驅駟馬連袂入龍樓

昔道高皇去今從太子遊行藏唯聖節禍福在人謀  
卒能匡惠帝豈不賴留侯事隨年代遠名與圖籍留  
平生欽厚德慷慨景前脩蚌蛤想陰兔蛟龍望斗牛  
無嗟異飛伏同氣幸相求

蘇頌二首

和杜主簿春日有所思

朝上高樓上俯見洛陽陌搖蕩吹花風落英紛已積  
美人不共此芳好空所惜攬鏡塵網滋當空苔蘚碧  
緬懷在雲漢良願睽枕席翻似無見時如何久為客

奉和聖製過晉陽宅應制

隋運與天絕生靈厭氛昏聖期在寧亂士馬興太原

立極萬邦推登庸四海尊慶膺神武帝業付皇曾孫  
緬慕封唐首追惟歸沛魂詔書感先義典禮巡舊藩  
高駁彩雲合春旗祥風翻率西見汾水奔北空塞垣  
款曲童兒佐依遲故老言里頌慈惠嘗家受復除恩  
下釐崇三教又作觀建碑當九門孝思敦至美億載奉  
開元

源乾曜一首

奉和聖製送張尚書巡邊

匈奴迹河朔漢地須戎旅天子擇英才朝端出監撫  
流星下閭闔寶劍專公輔禮物生光輝宸章備恩詔  
有征視矛戟制勝唯樽俎彼美何壯哉桓桓擅斯舉

聲華振臺閣功德標文武奉國知命輕忘家以身許  
安人在勤恤保大殫襟腑此外無異言同情報明主

徐仁友一首

古音贈孫翌

南望緱氏領山居共澗陰東西十數里緬邈方寸心  
雲日落廣廈鶯花對孤琴琴中多苦調悽切誰復尋

王翰一首

贈唐祖二子

鴻飛遵枉渚鹿鳴思故羣物情尚勞愛况乃予別君  
別時花始發別後蘭再薰瑤觴滋白露寶瑟凝涼氛  
徘徊北林月悵望南山雲雲月渺千里音微不可聞



李林甫一首

秋夜望月憶韓席諸侍郎因以投贈

秋天碧雲夜明月懸東方皓皓庭際色稍稍林下光  
桂華澄遠近璧影散池塘鴻鴈飛難度關山曲易長  
揆予秉孤直虛薄忝文昌握鏡慙先照持衡愧後行  
多才衆君子載筆久詞場作賦推潘岳題詩許謝康  
常時陪宴語今夕恨相望願欲接高論清晨朝建章

權澈一首

題沈黎城

蘇子卧北海馬翁渡南洲迹恨事乃立功達名遂休  
夜聞羽書至召募此邊州鐵騎耀楚甲玉匣橫吳鉤



石山凍逢飛荒塞秋久戌曷辭苦數戰期

字豎儒輩一經垂白頭

張九齡七首

折楊柳

纖纖折楊柳持取寄情人一枝何足貴憐是故園春  
遲景那能久流芳不及新更愁征戍客容髮老邊塵

登城樓望西山作

城樓枕南浦日夕顧西山宛宛鳶鶴處高高烟霧間  
僊井今猶在洪崖久不還金編莫我授羽駕亦誰攀  
蒼際干峯出雲中一鳥閑縱觀窮水國遊思遍人寰  
勿復塵埃事歸來且閉關

秋晚登樓望南江入始興郡路

潦收沙衍出霜降天宇晶伏檻一長眺津途多遠情  
思來江山外望盡雲烟生滔滔不自辨役役且何成  
我來颯哀髮孰云飄華纓櫪馬苦蹉跎籠禽念遐征  
歲陰况婉婉日夕空屏營物生貴得性身累由近名  
內顧覺今是追歡何時平

嘗與大理丞袁公府丞田公偶詣一所林

沼充勝因並坐其次相得甚歡遂賦詩焉

以詠其事

方駕與五友同懷不異尋偶逢池竹處便會江湖心  
夏近林方密春餘水更深清華兩輝映閑步一窺臨

蘋藻復嘉色鳥鷺亦好音韶芳媚洲渚蕙氣襲衣襟

蕭散皆為樂徘徊從所欽謂予成夙志歲晚共抽簪

冬中至玉泉山寺屬窮陰冰閉崖谷無色

及仲春行縣復往焉故有此作

靈境信幽絕芳時春暄妍再來及茲勝一遇非無緣  
萬木柔可結千花敷欲然松間鳴好鳥竹下流清泉  
石壁開精舍金光照法筵真空本自寂假有聊相宣  
復此灰心者仍追巢頂禪簡書雖有畏身世亦俱捐

登郡城南樓作

閉閣幸無事登樓聊永日雲霞千里開洲渚萬形出  
澹澹澄江漫飛飛度鳥疾邑人半艦艦津樹多楓橘

感別時已屢憑眺情非一遠懷不我同孤興與誰悉  
平生本單緒解后承復秩謬忝為邦寄多慙理人術  
驚鈍雖自勉倉廩素非實陳力倘無效謝病從芝朮

題畫山水障

心累猶不盡果為物外牽偶因耳目好復假丹青妍  
嘗抱野間意而迫區中緣塵事固已矣秉意終不遷  
良工適我願妙墨揮岩泉變化合羣有高深侔自然  
置陳北堂上做像南山前靜無戶庭出行已茲地偏  
萱草憂可樹合歡念亦蠲所因本微物况乃憑幽筌  
言象會自泯意色聊相宣對翫有佳趣使我心眇綿  
已上係初唐之詩

蔡希寂

一首

登福先寺上方然公禪室

名都標佛刹萬構臨河干舉目上方峻森森青翠攢  
步登諸劫盡忽造浮雲端當暑扇闌邃却嫌絺綌寒  
禪房最高頂靜者殊閑安疎雨向空城數峯簾外盤  
午鍾振衣坐招我同一餐真味雜飴露衆香唯蔗蘭  
晚來恣偃俛茶果似留歡

蔡文恭

一首

奉和夏日遊山應制

首夏林壑清薄暮煙霞上連岩聳百仞絕澗臨千丈  
照灼晚花鮮潏潏夕流響愔愔然動睿思息駕尋真賞

揆彼渦川作懷茲洛濱想竊吹等齊竿何用承恩獎  
宋務光一首

海上作

曠哉朝夕池大矣乾坤力浩浩去無際沄沄深不測  
崩騰歎衆流決瀉環中國鱗介錯殊品氛霞饒詭色  
天波混莫分島樹遙相識漢主探靈恠秦皇恣遊陟  
搜竒大壑東竦望成山北方術徒相誤蓬萊安可得  
吾君畧仙道至化孚淳默驚浪按窮溟飛航通絕域  
馬韓底厥貢龍伯脩其職粵我邁休明匪躬期正直  
敢輸鷹隼鷲以間豺狼忒海路行已殫輶軒未皇息  
勞君玄月暮旅涕滄浪極魏闕渺雲端馳心召歸翼

張光朝一首

荻塘西莊贈房元垂

門在荻塘西塘高何聯聯往昔分地利遠近無閑田  
水國信汙下霖霑即成川苗稼盡湮沒茲鄉獨豐年  
家肥侍親懿人樂思管絃日晏始能起盥漱看厨烟  
温酒寒正熟養魚長食鮮黃昏鍾未鳴偃息早已眠  
何意久城市寂寥丘中緣俛仰在顏色區區人事間  
憶昔炎漢時乃知綺季賢靜默不能仕養老終南山

包融二首

答國子張主簿

湖岸纜初解鶯啼別離處遙見舟中人時時一迴顧



坐悲芳歲晚。花落青軒樹。春夢隨我心。搖揚逐君去。  
酬忠公林亭

江外有真隱。寂居歲已侵。結廬近西術。種樹久成陰。  
人迹乍及戶。車聲遙隔林。自言解塵事。咫尺能韜沉。  
為道豈廬霍。會靜由吾心。方秋院木落。仰望日蕭森。  
持我興來趣。採菊行相尋。塵念到門盡。遠情對君深。  
一談入理窟。再索破幽襟。安得山中信。致書移尚禽。  
後漢逸民傳尚長字子平與北海禽慶字子夏二人相善

陶翰 一首

秋山夕興

山月松篠下。月明山景鮮。聊為高秋酌。復此清夜玄。

方獲志 栖心亦彌年尚言興未逸更理逍遙為  
劉脊虛 一首

越中問海客

風雨滄洲暮。一帆今始歸。自云發南海。萬里速如飛。  
初謂落何處。永將無所依。冥茫漸西見。山色越中微。  
誰念去時遠。人經此路稀。泊舟悲且泣。使我亦沾衣。  
浮海焉用說。憶鄉難久違。縱為魯連子。山路有柴扉。

儲光義 八首

題辨覺精舍

朝隨秋雲陰。乃至青松林。花閣空中遠。方池岩下深。  
竹風亂天語。溪響成龍吟。試問真君子。遊山非世心。

題慎言法師故房

精廬不住子自有無生鄉  
過客知何道徘徊馮子堂  
浮雲歸故嶺落月還西方  
日夕虛空裏時時聞異香

石龕寺

遙山起真宇西向盡花林  
下見宮殿小上看廊廡深  
苑花落池水天語聞松音  
真子又知我焚香期化心

題崔山人別業

南陽隱居者築室丹溪源  
溪冷懼秋晏室寒欣景歡  
山雞鳴茵閣水霧入衙門  
東嶺或舒嘯北窓時討論  
封君渭川竹逸士漢陽園  
何必空同上獨為堯所尊

行次田家澳梁作

田家俯長道邀我避炎氛  
當暑日方晝高天無片雲  
柴間禾黍氣柳下牛羊群  
野雀棲空屋晨風不復聞  
前登澳梁坂極望溫泉分  
逆旅方三舍西山猶未曛

昭聖觀

主家隱溪口微路入花源  
數日朝青閣彩雲猶在門  
雙樓夾一殿玉女侍玄元  
扶椽盡蟠木步欄多畫幡  
新松引天闕小栢繞山樊  
坐弄竹陰遠行隨溪水喧  
石池辯春色林獸知人言  
未逐鳳凰去真宮在此原

題辛道士房

全神不言命所尚道家流  
迨此遠商楚遂令思北遊  
先生秀衡岳玉立居玄丘  
門帶江山靜房隨瑤草幽

逍遙三花發罔象五雲浮自有太清絕曾垂草髮憂  
大年方索齋小智卽蟬蛸七日赤龍至莫令余獨留  
登秦嶺作時陷賊歸國

朝出猛獸林躩踞登高峯僮僕履雲霧隨我行太空  
羲和舒靈暉倏忽西極通迴首望涇渭隱隱如長虹  
九達合蒼蕪五陵遙矐矐鹿遊大明殿露濕華清宮  
網羅螻蟻時碩齒熊羆鋒失途走江漢不能有其功  
氣逐招搖星魂隨閶闔風唯言宇宙清復使車書同  
秋木被繁霜合沓連山紅鷓鴣勵羽翼俯視荆棘叢  
誓將食鷓鴣然後歸空峒

李頎 三首

古塞下曲

行人朝走馬直指薊城旁薊城通漢北萬里別吾鄉  
海上千烽火沙中百戰場軍書發上郡春色渡河陽  
裊裊漢宮柳青青胡地素琵琶出塞曲橫笛斷君腸

贈別穆元林

貳職久辭滿藏名三十年丹墀策頻獻白首官不遷  
明主日徵士吏曹何忽賢空懷濟世業欲棹滄浪舡  
舉酒洛門外送君春海邊彼鄉有令弟小邑試烹鮮  
轉浦雲整媚涉江花鳥連綠芳暗楚水白鳥飛吳烟  
贈賸亦奚貴亂流期復旋金閨會通籍生事豈徒然  
送綦毋三謁房給事

夫子大名下家無鍾石儲惜哉湖海上曾校蓬萊書  
外物非本意此生空淡如所思但乘興遠適維單車  
高道時坎坷故交願吹噓徒言青瑣闥不受承明廬  
百里人戶滿片言諍訟踈手持蓮花經目送飛鳥餘  
晚景南路別炎雲中伏初此行倘不遂歸食蘆洲魚

常建

三公哀晚遇

日出渭流白文王畋獵時釣翁在蘆葦常川澤無熊羆  
詔書起遺賢疋馬令致辭因稱江海人臣老筋力衰  
遲遲詣天車怏怏悟靈龜兵馬更不獵君臣比皆共怡  
同車至咸陽心影無磷緇四牡玉墀下一言為帝師

三三 擁朱門軒蓋耀長遠古來榮華人遭遇誰如之

落日懸桑榆光景有頓虧倏悲天地人雖貴將何為  
空靈山應田叟

湖南無村落山舍多黃蘗淳朴如太古其人居鳥巢  
牧童唱巴歌野老亦敲柴泊舟問谿口言語皆啞咬  
士俗不尚農豈暇論肥瘠莫徭射禽獸浮家烹魚鮫  
余亦與豈人獲糜今尚苞敬君中國來願以充其庖  
日入聞虎鬪空山滿嘒嘒懷人雖共安異域終難交  
白水可洗心采薇可為斂拽柴皆落日江風鳴稍稍

贈二侍御

高山臨大澤正月蘆花乾易色熏兩崖不改青松寒

上賢守孤貞古來皆共難  
明君惜其才臺上飛三鳶  
操與霜雪明量與江海寬  
束身視天涯安能共波瀾  
孤鶴在枳棘一枝非所安  
逸翮望絕霄見欲凌雲端  
層臺何其高山石流洪湍  
固知非天池鳴躍同所躡  
誰念獨枯槁四十長江干  
責躬貴知己効拙從一官  
折翮悲高風苦飢候朝餐  
湖月映大海天空何漫漫  
托身未知所謀道庶不刊  
吟彼高木詩一夕常三嘆

吳筠

步虛詞

稟化凝正氣鍊形為真仙  
忘心符元宗返本叶自然  
帝乙集絳宮流光出丹玄  
元英與桃君朗咏長生篇

六符煥明霞百闕羅紫烟  
飈車渺寥廓靡靡乘景遷  
不覺雲路遠斯須游萬天

灼灼青華林靈風振瓊柯  
三光無冬春一氣清且和  
迴首迹結靈傾眸親曜羅  
豁落制六天流鈴威百魔  
綿絲慶不極誰謂椿齡多

爰從太微上四覲虛皇尊  
騰我八景輿威遲入天門  
既登玉宸庭肅肅仰紫軒  
敢問龍漢末如何闢乾坤  
怡然輟雲敷告我希夷言  
幸聞至精理方見造化源

同劉主簿承介建昌江泛舟作

吾友從吏隱和光心杳然  
鳴琴正多暇嘯侶浮清川  
風霽遠登映昭昭涵洞天  
坐驚衆峯轉乃覺孤舟遷

崖嶼非一狀差池過目前徘徊白日暮月色江中鮮  
真興殊未已滔滔且泝泝特歌滄浪曲或誦逍遙篇  
酣暢迷夜久遲遲方告旋此時無相與其旨在忘筌

### 緱山廟

朝吾自嵩山驅駕導洛汭透遲轅轅側仰望緱山際  
王子謝時人笙歌此賓帝仙材夙所稟寶位焉足繫  
為迫丹霄期闕流蒼生惠高蹤邈千載遺廟今一詣  
肅肅生風雲森森列松桂大君弘至道層構何壯麗  
稽首環金壇焚香陟瑤砌伊予超浮俗塵慮久已閉  
况復清肅心蕭然叶真契

子血雲卿

### 悲哉行

孤兒去慈親遠客喪主人莫吟苦辛曲此曲誰忍聞  
可聞不可說去去無期別行人念前程不待參辰沒  
朝亦怛苦飢暮亦怛苦飢飄飄萬餘里貧賤多是非  
少年莫遠遊遠遊多不歸

### 行行且遊獵篇

少年多武力勇氣冠幽州何以縱心賞馬蹄春草頭  
遲遲平原上狐兔奔林丘猛火忽前逝俊鷹連下鞬  
俯身逐南北輕捷固難傳所發無不中失之如我讐  
豈唯務馳騁倚爾暴田疇殘殺非不痛古來良有由

### 古挽歌

草草閭巷喧塗車儼成位冥冥何所須盡我生人意  
北邙路非遠此別終天地臨穴頻撫棺至哀反無淚  
爾形未衰老爾自綫童穉骨肉安可離皇天若容易  
房帷即靈帳庭宇為哀次薤露歌若斯人生盡如寄

田園觀雨兼晴後作

貧賤少情欲借荒種南陂我非老農圃安得良土宜  
秋成不廉儉歲餘多餒飢顧視倉廩間有糧不成炊  
晨登南園上暮歇清蟬悲早苗旣茫茫晚田尚離離  
五行孰堪廢萬物當及時賢哉數夫子開翅慎勿遲

丁仙芝一首

和薦福寺英公新構禪堂

上人久棄世中道自忘筌寂照出群有了心清衆緣  
所以於此地築館開青蓮果藥羅砌下烟虹垂戶前  
呪中灑甘露指處流香泉神遠日無事體清宵不眠  
只聞廬山法松入漢陽禪一枕四山外虛舟常浩然  
劉復

送王倫

春江日未曛楚客酣送君翩翩孤黃鶴萬里滄洲雲  
四方各有志豈得常顧羣山連巴湘遠水與荆吳分  
清光日脩阻尺素安可論相思寄夢寐瑤草空氣氤  
已上係盛唐之詩

唐詩品彙拾遺卷之二

唐詩品彙拾遺卷之二目錄  
五言古詩下

劉長卿 錢起 皇甫冉 韓翃 盧綸

姚係 陳存 嚴維 釋皎然 李端 顧况

李益 朱灣 暢當 楊衡 于鵠

德宗皇帝 權德輿 武元衡 李夷簡

劉禹錫 李正封 張籍 王建 呂溫

孟郊 歐陽詹 白居易 元稹 鮑容

姚合 陳陶 溫庭筠 劉駕 陸龜蒙

任翻